

SABBATO POST OCTAVAM SS. CORPORIS CHRISTI
In Festo Immaculati Cordis B. M. V.

DUPLEX II CLASSIS

Omnia ut in Communi Festorum B. M. V.,
præter sequentia.

IN I VESPERIS

Ÿ. Dignare me laudare te, Virgo
sacrata. R. Da mihi virtutem contra
hostes tuos.

Ad Magnif. Aña Exsultavit cor meum
† in Dómino, et exaltatum est cornu
meum in Deo meo, quia lætata sum in
salutari tuo.

Oratio

OMNÍPOTENS sempitérne Deus,
qui in Corde beátæ Mariæ
Virginis dignum Spíritus Sancti
habitaculum præparasti: concède
propitius; ut eiúsdem immaculati
Cordis festivitatem devóta mente
recoléntes, secúndum Cor tuum vívere
valeámus. Per Dóminum ... in unitate
ejúsdem Spíritus Sancti.

AD MATUTINUM

In I Nocturno Lectiones Ego sapiéntia.

In II Nocturno

Sermo sancti Bernardíni Senénsis

Lectio v

Ex sermone 9 de visitatione



UIS mortálium, nisi divíno
tutus oráculo, de vera Dei et
hóminis Genetríce quidquam
módicum, sive grande præsumat
incircumcísis, immo pollútis lábiis
nomináre, quam Pater ante sæcula

Deus perpétuam prædestinávit in
Virginem, digníssimam Filius elégit in
Matrem, Spíritus Sanctus omnis grátiae
domicílium præparávit? Quibus verbis
ego homúnculus sensus altíssimos
virgínei Cordis, sanctíssimo ore
prolátos, éfferam, quibus non súfficit
lingua ómnium Angelórum? Dóminus
enim ait: Bonus homo de bono
thesáuro cordis profert bona; quod
verbum potest étiam esse thesáurus.

R. Sicut cedrus † exaltata sum
in Líbano, et sicut cypréssus in
monte Sion: quasi myrrha elécta,
* Dedi suavitatem odóris. Ÿ. Et
sicut cinnamómum et bálsamum
aromatizans. Dedi.

Lectio vi

QUIS inter puros hómines mélior
homo potest excogitari, quam
illa, quæ méruit éffici Mater Dei, quæ
novem ménsibus in corde et in útero
suo ipsum Deum hospitata est? Quis
thesáurus mélior, quam ipse divínus
amor quo fornáceum cor Virginis
ardens erat? De hoc ígitur Corde
quasi de fornáce divíni ardóris Virgo
beáta prótulit verba bona, id est, verba
ardentíssimæ caritátis. Sicut enim a
vase summo et óptimo vino pleno,
non potest exíre nisi óptimum vinum;
aut sicut a fornáce summi ardóris non
egréditur nisi incéndium fervens; sic
quippe a Christi Matre exíre non pótuit
verbum, nisi summi summéque divíni

amóris atque ardóris.

R. Quæ est ista, † quæ processit sicut sol, et formósa tamquam Jerúsalem?

* Vidérunt eam filiæ Sion, et beátam dixerunt, et reginæ laudavérunt eam.

Ÿ. Et sicut dies verni circúmdabant eam flores rosárum et lília convállium.

Vidérunt.

Lectio vii

SAPIÉNTIS quoque dómínæ et matrónæ est pauca verba, sólida tamen atque sententiósa habére; proinde septem vícibus quasi septem verba tantum miræ senténtiæ et virtútis a Christi benedictíssima Matre legúntur dicta, ut mýstice ostendátur ipsam fuisse plenam grátia septifórmi. Cum Angelo bis tantúmmodo est locúta. Cum Elisabeth bis étiam. Cum Fílio étiam bis, semel in templo, secúndo in núptiis. Cum ministris semel. Et in his ómnibus semper valde parum locúta est; excépto quod in laude Dei et gratiárum actióne se ámplius dilatávit, scilicet, quum ait: Magníficat ánima mea Dóminum. Ubi non cum hómine, sed cum Deo locúta fuit. Hæc septem verba secúndum septem amóris processus et actus sub miro gradu et órdine sunt proláta; quasi sint septem flammæ fornácei Cordis ejus.

R. Ornátam † monílibus filiam Jerúsalem Dóminus concupívit: * Et vidéntes eam filiæ Sion, beatíssimam prædicavérunt, dicéntes: Unguéntum effúsum nomen tuum. **Ÿ.** Astitit regína a dextris tuis in vestítu deauráto,

circúmdata varietáte. Et vidéntes.

Lectio viii

CULTUM litúrgicum, quo Cordi Immaculáto Virginis Mariæ débitus tribúitur honor, cuique plures viri sancti ac mulieres viam parárun, ipsa Apostólica Sedes primum approbávit ineúnte sæculo undevicésimo, cum Pius Papa séptimus festum Puríssimi Cordis Mariæ Virginis instituit, ab ómnibus diocésibus et religiósus famíliis, quæ id petíissent, pie sanctéque agéndum: quod póstmodum Pius Papa nonus Officio ac Missa própria auxit. Ardens autem stúdiu atque optátum, jam sæculo décimo séptimo exórtum et in dies invaléscens, ut nempe ejúsmodi festum, majóri solemnitate donátum, totiús Ecclesiæ commúne efficerétur, Summus Póntifex Pius duodécimus benígne excípiens anno millésimo nongentésimo quadragésimo secúndo, bello atrocíssimo per orbem fere totum ingravescénte, infínitas populórum ærúmna misérans, pro sua in Matrem cæléstem pietáte ac fidúcia genus hómínium univérsu illíus Cordi benigníssimo obsecratíone solémni eníxe commendávit, atque in honórem ejúsdem Immaculáti Cordis festum cum Officio et Missa própriis in perpétuum ubíque celebrándum indíxit.

R. Diffúsa est † grátia in lábiis tuis, * Proptérea benedíxit te Deus in ætérnum. **Ÿ.** Myrrha et gutta et cásia a vestiméntis tuis, a grádibus ebúrneis,

ex quibus delectavérunt te filiæ regum
in honóre tuo. Propterea. Glória Patri.
Propterea.

In III Nocturno

Lectio sancti Evangélíi secúndum
Joánnem

Lectio ix

Cap. 19

IN illo témpore: Stábant juxta crucem
Jesu Mater ejus, et soror Matris ejus
María Cléophæ, et María Magdaléne.
Et réliqua.

Homília sancti Robérti Bellarmíno
Epíscopi

De septem verbis Christi in Cruce, cap. 12



INUS et jugum impósitum
a Dómino sancto Joánni,
ut Virgínis Matris curam
géreret, vere fuit jugum suáve
et onus leve. Quis enim non
libentíssime cohabitáret Matri illi, quæ
Verbum incarnátum in útero novem
ménsibus portávit, et illi totos trigínta
annos devotíssime dulcissiméque
cohabitávit? Quis non invideat
dilécto Dómini, qui in abséntia Fílii
Dei præsentíam obtínuit Matris Dei?
Sed, nisi fallor, póssumus et nos a
benignitaté Verbi nostri causa incarnáti
et ex dilectióne nímia nostri causa
crucifixi, précibus impetráre, ut dicat
et nobis: Ecce Mater tua; et Matri suæ
de nobis dicat: Ecce filius tuus.

R. Felix namque es, † sacra Virgo
María, et omni laude digníssima:
* Quia ex te ortus est sol justítiæ,
Christus, Deus noster. **V.** Ora pro

pópulo, intérvieni pro clero, intercède
pro devóto femíneo sexu: sentíant
omnes tuum juvámén, quicúmque
célebrant tuam sanctam festivitátem.
Quia ex te.

Lectio x

NON est avárus pius Dóminus
gratiárum, dúmmodo ad thronum
grátiae ejus cum fide et fidúcia et
non ficto corde, sed vero et sincéro
accedámus. Qui nos coherédes
esse vóluit regni Patris sui, non
dedignábitur certe nos coherédes
habére amoris Matris suæ. Sed nec
ipsa Virgo benigníssima gravábitur
multitúdine filiórum, cum sinum
amplíssimum hábeat et valde cúpiat,
nullum períre ex his, quos Fílius suus
tam pretiósio sángine et tam pretiósia
morte redémit.

R. Beátam † me dicent omnes
generatiónes, * Quia fecit mihi
Dóminus magna qui potens est,
et sanctum nomen ejus. **V.** Et
misericórdia ejus a progénie in
progénies timéntibus eum. Quia.

Lectio xi

ADEÁMUS ergo cum fidúcia ad
thronum grátiae Christi, et
supplíciter nec sine lácrimis ab eo
petámus, ut de unoquóque nostrum
Matri suæ dicat: Ecce filius tuus; et
unicuíque nostrum de Matre sua dicat:
Ecce Mater tua. Quam bene nobis
erit sub præsidio tantæ Matris? Quis
nos detráhere audébit de sinu ejus?
Quæ nos tentátio superáre póterit,

confidéntes in patrocínio Matris Dei et nostræ? neque nos primi érimus in tanti consecutióne beneficii.

R. Benedícta † et venerábilis es, Virgo María, * Cujus víscera meruerunt portáre Dóminum Christum. **Ps.** Benedícta tu in muliéribus et benedíctus fructus ventris tui. **Cujus.**

Lectio xii

MULTI nos præcessérunt; multi, inquam, ad singuláre et plane matérnum patrocínium tantæ Virginis accessérunt, et nemo confúsus aut tristis dimíssus est, sed omnes hílares et gaudéntes, freti patrocínio tantæ Matris. De qua enim scriptum est: Ipsa cónteret caput tuum, in ea confidunt, se quoque fidénter ambuláturos super áspidem et basilíscum, et conculcáturos leónem et draconem. Neque enim vidétur posse períre is, de quo dictum sit Vírgini a Christo: Ecce filius tuus, dúmmo et ipse non surda aure áudiat, quod ei Christus díxerit: Ecce Mater tua.

R. Beáta es, † Virgo María, Dei Génitrix, quæ credidísti Dómino: perfécta sunt in te, quæ dicta sunt tibi: ecce exaltáta es super choros Angelórum: * Intercéde pro nobis ad Dóminum Deum nostrum. **Ps.** Ave, María, grátia plena; Dóminus tecum. **Intercéde. Glória Patri. Intercéde.**

Sequéntia sancti Evangélíi secúndum Joánnem

Cap. 19, 25-27



N illo témpore: Stabant juxta crucem Jesu mater ejus, et soror matris ejus María Cléophæ, et María Magdaléne. Cum vidíset ergo Jesus matrem, et discipulum stantem, quem diligébat, dicit matri suæ: Múlier, ecce filius tuus. Deinde dicit discipulo: Ecce mater tua. Et ex illa hora accépit eam discipulus in sua.

AD LAUDES

Ps. Diffúsa est grátia in lábiis tuis. **R.** Proptérea benedíxit te Deus in ætérnum.

Ad Bened. Añã O beáta Virgo † María: tu grátia Mater, tu spes mundi, exáudi nos filios tuos clamántes ad te.

Oratio

OMNÍPOTENS sempitérne Deus, qui in Corde beátæ Mariæ Virginis dignum Spíritus Sancti habitáculum præparásti: concéde propítius; ut eiúsdem immaculáti Cordis festivitátem devóta mente recoléntes, secúndum Cor tuum vívere valeámus. Per Dóminum ... in unitáte ejúsdem Spíritus Sancti.

IN II VESPERIS

Ps. Dignáre me laudáre te, Virgo sacráta. **R.** Da mihi virtútem contra hostes tuos.

Ad Magnif. Añã Exsultávit cor meum † in Dómino, et exaltátum est cornu meum in Deo meo, quia lætáta sum in salutári tuo.